



D. O. M.
POSITIONES ANATOMICÆ
ET
CHIRURGICÆ.

EX ANATOMIA.



UAM dira sit cancri savities, ab omnibus notum est. Et si vitium illud, quamlibet corporis partem, offendere possit; frequentius tamen mammas feminarum infestat. Quā propter, ad Chirurgicas positiones remissā cancri mammarii curatione, pectoris externas partes hic perlustrare juvat.

PARTIUM externarum pectoris, seu trunci partis collum inter & abdomen sitæ, diversa natura; aliæ ossæ, cartilagineæ; nonnullæ musculosæ; quædam vasculosæ, nervæ, glandulosæ; aliæ membranaceæ sunt, & adiposæ.

OSSIUM Thoracis ordo sic se habet: regionem anteriorem sternum & claviculæ, posteriorem vertebræ duodecim & scapulæ, latera occupant costæ in veras & spurias distinctæ. Costæ propriæ cartilagine adactæ, miram arcuato fornici ferè similem, sursum angustiores, deorsum verò ampliorem, machinam efficiunt.

Duo pectorales muscoli, & serratus major, partim mammis subjacentes, oris costarum, intercostalibus, & aliis, diversimodè adhærent.

2

PECTORALIS majoris & latissimi dorsi humero insertiones cavitatem axillarem efformant ; ubi à glandulis, pinguedine , & vasis hùc & illùc serpentibus , plurima Chirurgo notanda veniunt.

MAMMAS , in anticà thoracis regione sitas esse , neminem fugit ; harum usum & molem tùm à sexu , tùm ab ætate , tùm deniquè à vario seminarum statu , repetere necessarium est.

PRO diverso , in prægnañtibus , puerperis & lactantibus , ac in maribus & infantibus , mammarum usu , ipsarum glandulæ ad conglobatas modò , modò ad conglomeratas revocandæ.

OB arteriæ mammarie cum epigastricâ anastomosis , mirum inter cum mammis fieri consensum , quidam existimarunt : exindè mulieres quinquaginta circiter annos natas , suppressis videlicet mensibus , cancro mammario magis obnoxias esse , nec immeritò putarunt.

DESCRIPTAS thoracis partes , communia velant tegumenta ; ex quibus ad mammæ centrum efflorescit papilla , quam cingit areola.

EX CHIRURGIA.

CANCER, græcè *Καρκινωμα* , tùm ut tumor , tùm ut ulcus spectari solet. Propriâ descriptione donatur quælibet canceri species.

CANCER tumor , est durus , inæqualis , quandoquè rotundus , calore & dolore lancinante molestus ; circa plures , inflatæ serpunt & prominent venæ ; in quibusdam verò delitescunt. Alba vel rubra , livida vel nigra cutis , pro variis depravationibus , remanet. Nonnunquàm dolore , calore , pruritu & inflammatione ingravescentibus , ipsamet cutis , gangrænâ correpta , disrumpitur.

LACERATA cute , hiât ulcus fetidum , in ambitu subnigris turgescens venis : tenuis ac interdum facibus vini similis , manat sanies , quæ acrimoniâ suâ non cutem tantùm , sed & subiectas partes , multo cum dolore , corrodit & quasi depascitur. Lix ulcere subpallidæ carnes acervatim luxuriant. Inversis , retortisque marginibus , horridum aspectu se præbet cancer exulceratus.

CARCINOMATIS indoles cognitu difficilis : de illâ valdè inter

se dissentiunt authores. Nonnulli, à vermiculis carnes depascentibus; multi, malo lienis & jecoris habitu; alii verò, peculiari quodam vitio, carcinoma procreatum judicavere.

CANCRI causa duplex; proxima, & remota. Retento in mammis humore, unius glandulæ, aut plurium glandularum vasa minima mox ingurgitantur. Concreſcente humore, obturantur quoque vasa majora: hinc circuitus liquorum in vicinis partibus impeditur: en causa proxima.

QUÆ, aut limpham spiffare, aut vasorum tunicas deprimere & vellicare possunt, ictus, punctiones, lapsus, compressiones, suppressi menses, quandoquæ hæmorrhoides, indebita victus ratio, peculiare vitium, scilicet venereum, scrophulosum, scorbuticum, &c deniquè acria quævis sanguinis massam labefactantia, remotas inter causas annumerantur.

Ex allatis descriptionibus, genuina patent cancerorum signa.

A carcinomatis causâ, situ, vetustate, gradu, & totius ægræ corporis habitu, prognosis habenda.

CUR multos per annos in eodem incrementi statu permaneat tumor; cur verò paucos intra menses, paucos-ve quandoquæ dies ultramodùm adaugeatur; quænam exindè deduci debeant animadversiones; in motu fluidorum inquiratur argumentum.

TURTIS citiùs ve scalpello sanari caneros, ratio comprobant & experimenta. Si quis mali principii obſtare tentaverit, à medicamentis caleſcientibus, & adurentibus, sese abſtineat.

QUOD ad operationem spectat: acus veterum, forcipes, furcas, & alia hujusce generis rejicienda censemus.

CUM de cancro exiguo & undiquè vacillante agitur, ægrâ ritè præparatâ & collocatâ, nunc perpendiculariter, nunc cruciatim; sola cutis reſcindatur: deindè digitorum ope, apprehenſo & sublevato tumore, textu cellulari hîc & illîc reſecto, tumoris fiat extractio; & sic de cæteris tumoribus, si qui ſint aut infra musculos, aut ad axillas usque, ne remaneat cancri rediviui germen.

CARCINOMATIS majoris, etiam exulcerati, corripitur manu moles: tunc cutis ita circulariter ſecetur, ut tota deinceps auſeratur cancri massa.

POST cancri amputationem, hæmorrhagiæ rarò metus: si ta-

men nimium accidat sanguinis effluuium, mox arte sistatur. Quidam astringentibus; quidam ligaturâ coercuerunt; sed ut plurimum sola valet compressio.

ULCERE ablato vel tumore, plaga ut decet deligetur; dein venæ sectiones, & alia artis auxilia, quantum opus erit, adhibeantur.

SI difficile ad cicatricem ducatur plaga; vel, jam obductâ cicatrice, de novo hâcat ulcus sædum; aut nobiliori parti aliquod imminet periculum; tunc laudatur fonticulus.

QUÆ tandem immedicabili cancro laborant, ad curationem palliativam confugiant; ideò jugi diætâ, potissimum lacteâ, & topicis lenientibus: salutis suæ consulant.

Has positiones, DEO JUVANTE, & præside M. JOANNE-ANTONIO SILVY, Artium & Chirurgiæ Magistro, auctori conabitur ANTONIUS TUSSANUS AMY Claro-montensis, in alimâ universitate Parisiensi Artium Magister.

P A R I S I I S,

IN REGIIS CHIRURGORUM SCHOLIS.

Die Sabati 16^a. Januarii à sesqui-secundâ post meridiem ad septimam. Anno Domini 1751.

P R O A C T U P U B L I C O.

Typis DELAGUETTE Regiæ Chirurg. Academiæ
Typographi 1751.